

图书基本信息

书名：《廣州圖書館藏儀清室廣東文獻圖錄》

13位ISBN编号：9787549576483

出版时间：2016-1

作者：梁基永,蔡曉絢,李鶯鶯

页数：351

版权说明：本站所提供下载的PDF图书仅提供预览和简介以及在线试读，请支持正版图书。

更多资源请访问：www.tushu111.com

內容概要

《廣州圖書館藏儀清室廣東文獻圖錄》序

伏生治書，鼂錯往受。虽云明經，亦在徵采。嶺南之文化，唐宋後始大盛，然以域臨海濱，地潤暑熱，脈望兵災，皆紙絹之天敵。故文獻之蒐集，固視嶺外為難。所存於今日者，尤宜珍重。

儀清室之蒐羅鄉邦文獻，凡二十有五年，憶昔故紙猶不為時人所好，冷攤夜市，亂書堆疊，索值亦不甚昂。每於晨昏閒暇，流連其中，以饗飧之餘資，置一二舊本，頗自得意，然未諳竅奧。以所得持示先師李曲齋夫子，夫子故順德李文誠公文孫，舊家泰華樓為吾粵近代藏書名所，識力非時人所可及。夫子以二指稍翻數頁，微嗔曰，墊桌可也。意皆平常書籍，俱無所用。予惶恐，請以斯世藏書次第，答曰，自以嶺南文獻最為便捷。蓋文誠公在京師日，雖宋元本尚可得，然渠則獨取晚明史籍，致力二十年，卓然成家，最可寶貴者，無出晚明廣東集部諸書。余於此數語默識在心，遂專力以嶺南文獻為鵠的。曲師既歸道山，又得親炙鐵嶺王貴忱可居夫子，王師雖非粵產，然南來逾半紀，遂以嶺南人自許。師於版本目錄，為當世大家，予從遊二十年，耳提面命，多得教益，更蒙指授以版本鑒別諸術，習之有年，乃漸得若干嶺南文獻之可觀者，即此圖錄中所載焉。

小齋插架廣東文獻，種類頗為複雜，此書僅按四部之大略區分，容有未盡精確處。蓋近代以來，文獻種類，有四部不能囊括者。書中所收，亦頗見善本孤本，如明刻廣東詩集之《區西屏集》《區奉政集》兩種，為新會明代父子詩人所作。又明刊《易經蒙引》全套，為揭陽蔡爾孚所撰，此兩種明刻明人作品，甚為罕覩。康熙間東莞詩人林鳳岡《石嶽集》鈔本，晚明刊《孔子家語憲》為羊城陳際泰注釋本，未見公私著錄，此皆孤本，尤足珍視。此外尚有關地方小專題之文獻若干，如勸善，帖學，醫藥，啟蒙，俱能見嶺南文化之一斑，未可因其年代甚近而忽略也。

是編所采之餘，尚有廣東清代印譜專題，亦為嶺南印學與藝術史之別部，廣州圖書館已另辟專輯刊布，茲不贅於此。承廣州圖書館之盛意，小齋所藏得以安居公庫，俾後之研究粵中文獻者，得從容披覽之便，所謂與眾樂樂者，其義亦大哉。遠紹旁搜，尋茫茫之墜緒。近光博采，續綿綿之流風。今圖錄付梨棗，館中同人之辛勞，更銘感於內，聊識數語，以示不忘云。

乙未端陽南海梁基永書於儀清室之南窗

作者简介

梁基永
收藏家、书画家，中山大学文献学博士

精彩短評

1、九日，梁兄載陳鴻森丈游順德清暉園，招往作伴，暮歸，途中飯于碧江農家，以此見貽

版权说明

本站所提供下载的PDF图书仅提供预览和简介，请支持正版图书。

更多资源请访问:www.tushu111.com